

IV – AKTI OPĆINSKIH SLUŽBI ZA UPRAVU

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK
Služba za upravljanje ekonomskih
poslova i poduzetništva

Broj: 03/5-21-10-505/10

Datum: 04.10.2010. godine

Na osnovu člana 10. stav 1., 2. i 8. Odluke o organizaciji i načinu obavljanja taksi prijevoza putnika na području Zeničko-dobojskog kantona («Službene novine ZE-DO kantona» broj 6/10), Služba za upravljanje ekonomskih poslova i poduzetništva, d o n o s i

P R A V I L N I K

o broju, razmještanju, načinu korištenja, redu i radu na taksistajalištima i rasporedu taksi vozila na taksistajališta na području općine Zavidovići

I. OPĆE ODREDBE

Član 1.

Ovim Pravilnikom bliže se uređuje:

- broj, razmještanje i način korištenja taksistajališta,
- red i rad na taksistajalištima,
- raspored taksi vozila na taksistajalištima i kriteriji za utvrđivanje reda prvenstva u raspoređivanju taksi vozila na taksistajalištima i
- prijelazne i završne odredbe.

Član 2.

Taksistajalište je propisano uređena i označena površina koju koriste taksi prijevoznici za zadržavanje taksi vozila za obavljanje djelatnosti taksi službe shodno odredbama Odluke o organizaciji i načinu obavljanja taksi prijevoza putnika na području Zeničko-dobojskog kantona («Službene novine Zeničko-dobojskog kantona» broj 6/10 - u daljem tekstu: Odluka) i ostalih zakonskih i podzakonskih akata koji regulišu ovu oblast.

II. BROJ, RAZMJESHTAJ I NAČIN KORIŠTENJA TAKSI STAJALIŠTA**Član 3.**

Broj i razmjesta taksi stajališta, broj stajališnih mjesta za taksi vozila na taksi stajalištima, kategoriju taksi stajališta, ukupan broj taksi vozila odnosno ukupan broj dopunskih oznaka, na početku svake godine određuje Služba za upravu ekonomskih poslova i poduzetništva (u daljem tekstu: Služba) u skladu sa kriterijima iz člana 9. stav 1. Odluke.

Akt iz prethodnog stava dostavlja se Ministarstvu za prostorno uređenje, promet i komunikacije i zaštitu okoline Zeničko-dobojskog kantona do 15. januara tekuće godine.

Član 4.

Taksi stajališta mogu koristiti samo taksi prijevoznici sa područja općine Zavidovići.

Član 5.

Uređenje i održavanje taksi stajališta vrši ova služba.

Taksi prijevoznici taksi stajalište moraju koristiti s pažnjom obraćajući naročito pažnju na odlaganje otpada, čuvanje oznaka taksi stajališta (horizontalna i vertikalna signalizacija) i slično.

Član 6.

Taksi prijevoznici za vrijeme korištenja taksi stajališta dužni su da se pridržavaju javnog reda i mira, da u kontinuitetu prate ispravnost vertikalne i horizontalne signalizacije, urednost taksi stajališta i o tome obavještavaju nadležne organe.

Član 7.

U slučaju oštećenja ili uništenja horizontalne i vertikalne signalizacije, taksi prijevoznik je dužan bez odlaganja o tome obavijestiti ovu službu.

Član 8.

Za upotrebu i korištenje taksi stajališta taksi prijevoznici moraju pribaviti odobrenje ove službe i platiti godišnju naknadu u iznosu od 100,00 KM za period od 01.01. do 31.12. tekuće godine.

Odobrenje iz prethodnog stava se izdaje nakon raspoređivanja taksi prijevoznika na taksistajalište. Uz zahtjev za izdavanje rješenja o upotrebi i korištenju taksi stajališta se podnosi rješenje o obavljanju djelatnosti, dokaz o rasporedu na taksi stajalište i dokaz o uplati naknade.

Sredstva prikupljena iz naknada za korištenje taksi stajališta namjenski se koriste za izgradnju novih, uređenje i održavanje postojećih taksi stajališta.

III. RED I RAD NA TAKSI STAJALIŠTU**Član 9.**

Taksi prijevoznik prima putnike na prijevoz na taksi stajalištu na koje je raspoređen po redoslijedu pristizanja na isto.

Na taksi stajalište se ne smiju parkirati druga vozila

Na taksi stajalištu ne smije stajati više taksi vozila nego što ima obilježnih mjesta

- 455 -

Član 10.

Prijevoz obavlja taksi prijevoznik čije se vozilo nalazi na prvom mjestu taksi stajališta.

Odlaskom jednog ili više taksi vozila, druga vozila se pomjeraju na upražnjena mjesta istim redoslijedom kojim su pristigla na taksi stajalište.

Izuzetno, ukoliko putnik ima posebne zahtjeve, u pogledu urednosti i komfora vozila ili uljudnosti vozača, može zatražiti uslugu i od taksi prijevoznika čije vozilo nije na prvom mjestu taksi stajališta.

Član 11.

Na taksi stajalištu je zabranjeno stvaranje buke pojačanim radom motornog vozila, upotrebom sirena, upotrebom uređaja i aparata za reprodukciju muzike i svih drugih uređaja koji stvaraju buku.

Na taksi stajalištu nije dozvoljeno pranje vozila, bacanje otpadaka i čišćenje pepeljara.

Član 12.

Za vrijeme dok je taksi vozilo parkirano na taksi stajalištu, taksi prijevoznik je dužan biti u ili pored taksi vozila.

Član 13.

Taksi vozilo na taksi stajalištu mora biti čisto i uredno, a taksi prijevoznik uredno i prikladno odjeven, uljudno se odnositi prema putnicima sa pažnjom i poštovanjem i ne smije pušiti u vozilu.

Član 14.

Na taksi stajalištima zabranjeno je konzumiranje alkohola, opojnih sredstava i kartanje.

**IV. RASPORED TAKSI VOZILA NA TAKSI STAJALIŠTIMA
I KRITERIJI ZA RED PRVENSTVA U RASPOREĐIVANJU
TAKSI VOZILA NA TAKSI STAJALIŠTIMA****Član 15.**

Raspored taksi vozila na taksi stajališta sprovodi Komisija koju imenuje svojim rješenjem ova služba (u daljem tekstu: Komisija) na osnovi Javnog poziva za podnošenje zahtjeva za raspored taksi prijevoznika na taksistajalište.

Komisija se sastoji najmanje od tri člana od kojih je jedan član predstavnik taksi prijevoznika.

Član 16.

Javni poziv za podnošenje zahtjeva za raspored taksi prijevoznika na taksi stajalište donosi ova služba i objavljuje se na oglasnoj tabli Općine Zavidovići i u lokalnim sredstvima informisanja u trajanju od 15 dana od dana njegovog objavljivanja na oglasnoj tabli Općine Zavidovići.

Obavještenje o objavljivanju Javnog poziva ova služba je dužna dostaviti svakom registriranom taksi prijevozniku.

- 455 -

Član 17.

Kriteriji na osnovu kojih se utvrđuje red prvenstva u raspoređivanju taks ivozila na taksi stajalištima su:

KRITERIJI	BODOVI
- za rad u svojstvu taksi prijevoznika na području općine Zavidovići	12
- za svaki mjesec neprekidnog rada u svojstvu taksi prijevoznika koji ostvare na području općine Zavidovići	1

Član 18.

Nakon raspoređivanja taksi prijevoznika na taksi stajališta, raspoređeni taksi prijevoznici su dužni pribaviti odobrenje za upotrebu i korištenje taksi stajališta do kraja tekuće godine za narednu godinu.

Član 19.

Taksi prijevozniku izriče se izreći mjera prestanka korištenja taksi stajališta u sljedećim slučajevima:

- ako ne pribavi odobrenje za korištenje taksi stajališta,
- ako ne koristi taksi stajalište duže od jednog mjeseca, a da za to ne postoje opravdani razlozi,
- izvrši trajnu odjavu djelatnosti taksiprijevoznika i
- u slučaju prestanka važenja licence «D» za obavljanje taksi prijevoza.

Mjeru prestanka korištenja taksi stajališta donosi ova služba.

Mjera se izriče u roku od 30 dana od dana nastupanja razloga za izricanje mjere.

U slučaju izricanja mjere prestanka korištenja taksi stajališta, taksi prijevoznik gubi pravo na povrat uplaćene naknade u slučaju da posjeduje odobrenje o upotrebi i korištenju taksi stajališta.

Član 20.

Na slobodna taksi stajališta raspoređuju se novi taksi prijevoznici prema redoslijedu dobijanja odobrenja za rad u skladu sa članom 10. stav 3., 4. i 5. Odluke

Član 21.

Taksi prijevoznik kojem je određeno taksi stajalište može izvršiti zamjenu sa drugim taksi prijevoznikom za njegovo taksi stajalište ukoliko je to povoljnije za obojicu.

Zamjena taksi stajališta iz predhodnog stava može se izvršiti samo uz pismene izjave taksi prijevoznika koji mijenjaju taksi stajališta, a uz saglasnost Komisije, o čemu se izdaje posebno rješenje.

V. PRIJELAZNE I ZAVRŠNE ODREDBE

Član 22.

Na pitanja koja nisu uređena ovim pravilnikom primjenjivat će se odredbe zakona i podzakonskih akata koji regulišu ovu oblast.

Član 23.

Saglasnost na ovaj pravilnik daje Ministarstvo za prostorno uređenje, promet i komunikacije i zaštitu okoline Zeničko-dobojskog kantona i bit će objavljen u «Službenom glasniku općine Zavidovići».

Član 24.

Danom stupanja na snagu ovog pravilnika prestaje da važi Pravilnik o načinu korištenja, redu i radu na taksijama na području općine Zavidovići («Službeni glasnik općine Zavidovići» broj 7/08).

Član 25.

Ovaj pravilnik stupa na snagu danom objavljenja u «Službenom glasniku općine Zavidovići».

POMOĆNIK NAČELNIKA

(M.P.)

Džeraldina Miličević, dipl.ing. građ., s.r.